



UNIVERSITÄTS-
BIBLIOTHEK
PADERBORN

Universitätsbibliothek Paderborn

Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1847

CLXXXII. Der Herzog Rudolph von Sachsen verkauft dem Domcapitel ein Stück der Havel mit den Wenden auf dem Kietz zu Brandenburg, am 19. Aug. 1321.

[urn:nbn:de:hbz:466:1-54048](https://nbn-resolving.org/urn:nbn:de:hbz:466:1-54048)

CLXXXII. Der Herzog Rudolph von Sachsen verkauft dem Domcapitel ein Stück der Havel mit den Wenden auf dem Riez zu Brandenburg, am 19. Aug. 1321.

— Rudolphus, dei gratia dux Saxonie, Angharie, Westphalie, Comes in Bren et Burchgravius in Magdeburch — nos de maturo virorum discretorum consilio ecclesie sancti Petri in Brandeburch dimisimus et per presentes iusto venditionis titulo dimittimus aquam Obule a loco, qui dicitur Vurstedde usque ad novam civitatem Brandeburch cum omnibus gurgustis, que proprie dicuntur Were, contentis in predicte aque decursu, cum piscationibus et censu annali de hiis proveniente et hoc in denariis et anguillis et cum Slavis morantibus a dextris in vico, qui dicitur Kitz, cum itur de claustro ad novam civitatem Brandeburch, cum eorum censu videlicet denariorum et pullorum, eo jure et libertate, sicut nos omnia predicta dignoscimur habuisse, pro pecunia speciali, quam nobis honorabilis vir dominus Johannes, jam dicte ecclesie prepositus, solvit integraliter et complete, Proprietatem nichilominus omnium premissorum damus et donamus predicte ecclesie Brandeburgenfi in presentibus pacifice et perpetue possidendam et honorabilem virum dominum Johannem prepositum predictum nomine sue ecclesie per nostrum nuntium in possessionem predictorum induci fecimus corporalem. Ut hec autem nostra venditio et proprietatis donatio a nostris non infringatur successoribus et nulli de ea in posterum aliquod oriatur dubium, presentes litteras cum testium subscriptione conferibi iussimus et munimine nostri sigilli fecimus firmiter roborari. Testes hujus rei sunt: dominus Nicolaus prepositus in Bernowe, Albertus de Alvensleve, Hinricus de Rochowe, Thidericus Greptitz, Hermannus de Wolkowe, milites nostri, Thidericus noster prothonotarius, et quam plures alii fide digni. Datum in villa Schonebeke, anno domini millesimo tricentesimo vicesimo primo, feria quarta ante assumptionem virginis.

Nach dem Original.

CLXXXIII. Der Bischof Johann bestätigt die Stiftung einer neuen Messe und eine Schenkung an die Katharinenkirche in der Neustadt Brandenburg, am 30. April 1322.

In nomine sancte et individue Trinitatis. Amen. Joannes, dei gratia Brandeburgenfis episcopus omnibus in perpetuum. Ea, qua geruntur, si ad laudem dei referuntur, a radice bone voluntatis creduntur processisse etc. — Hinc est, quod, domino inspirante, discretus vir, Nicolaus de Lapidea Domo, civis nove civitatis Brandeb. resignavit ac donavit domino Christiano, ejusdem civitatis plebano et suis successoribus in perpetuum octo talenta Brandeburgenfium denariorum, minus VI solidis, in theloneo dicte civitatis tollenda, scilicet medietatem in festo beati Martini confessoris et aliam medietatem in festo purificationis beate Marie, virginis gloriose, et III choros salis, quos omni tempore potest tollere, cum sibi sit necesse. Cui donationi ac resignationi illustris princeps, dominus Rudolphus, dux Saxonie, dominus dicte civitatis ac ecclesie, pia viscera adhibens proprietatem dictorum bonorum pure propter deum donavit, ut una missa pro salute anime sue et animarum suorum progenitorum ac Nicolai de Lapidea Domo et suarum uxorum ac progenitorum suorum et dicti Christiani plebani, ordinationem procurantis, ac suorum progenitorum in ecclesia parochiali Brandeburgenfi omni die jugiter observetur,